

Der Olt Bauer im Houfhäusla.

Gäh, Modder, ruck die Blumma wag
und mach die Fanster auf,
wenn drauß die Marzesunna scheint,
kann mer hinn gornit schnauf!

Mer härt do rei kee Väichela,
des it doch gor sou schwär.
Wie kann mer in sei olta Dooch
sou arm und lumpert wer?

In frühera Zeitn wor mer drauß
und hat sei Ärwet gschaft.
Etz- hockt mer rum, und guckt blos naus
und hat zu nix mähr Kraft.

Der Moust schmeckt nemmer sou wie sunst,
die Bee dann nemmer miet.
Mer hat kee Zäi mer und kee Hoor,
es Assn schmeckt een niet.

Doch warli.--Wenn es Frühjohr kummt,
do wacht mer numol auf!
Gäh - Modder, ruck die Blumma zamm
und mach die Fanster auf!!